



Broj: 0101-8810-11/17
Sarajevo, 26. 07. 2018. godine

Na osnovu člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku usluge-Revizorske usluge, u skladu sa Rješenjem Ureda za razmatranje žalbi broj: JN2-03-07-1-849-9/18 od 12. 07. 2018. godinu, a na preporuku Komisije za javnu nabavku broj: 0101-0101-8810-10/17 od 26. 07. 2018. godine, rektor Univerziteta u Sarajevu donosi sljedeću

ODLUKU **o izboru najpovoljnijeg ponuđača i dodjeli ugovora**

Član 1.

Prihvata se preporuka Komisije za javnu nabavku broj: 0101-8810-10/17 od 26. 07. 2018. godine i ugovor o javnoj nabavci usluge – REVIZORSKE USLUGE za 2015, 2016. i 2017. godinu se dodjeljuje ponuđaču BDO BH Društvo za reviziju d.o.o, 71 000 Sarajevo, Dolina 11, čija ukupna cijena ponude iznosi 95.700,00 KM bez PDV-a (slovima: devedesetpethiljadasedamstotinaKM i 00/100), iz razloga što je u otvorenom postupku dostavio ekonomski najpovoljniju ponudu u skladu sa članom 64. stav (1) tačka a) Zakona o javnim nabavkama BiH.

Član 2.

Izabrani ponuđač je dužan u roku od 3 (tri) dana od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Dana 29. 03. 2018. godine Univerzitet u Sarajevu-ugovorni organ, nakon završenog postupka, donio je Odluku o poništenju postupka nabavke usluga-Revizorske usluge – otvoreni postupak, broj: 0101-8810-7/18. Ponuđač BDO BH d.o.o. Društvo za reviziju, 71 000 Sarajevo, izjavio je žalbu na navedenu Odluku dana 11.04.2018. godine putem ugovornog organa. Ugovorni organ je žalbu smatrao neosnovanom te je u skladu sa članom 100. stav (5) Zakona o javnim nabavkama, predmet prosljedio Uredu za razmatranje žalbe, Filijala Mostar, na nadležno postupanje. Ured za razmatranje žalbe je dana 17. 05. 2018. godine, rješavajući po žalbi ponuđača, donio rješenje broj: JN2-03-07-546-9/18 kojim se usvaja žalba ponuđača BDO BH d.o.o. Sarajevo, a Odluka o poništenju postupka broj: 0101-8810-7/18 od 29. 03. 2018. godine se poništava i predmet vraća ugovornom organu na ponovno odlučivanje. Postupajući u skladu sa citiranim Rješenjem, Komisija ugovornog organa izvršila je 30. 05. i 04. 06. 2018. godine ponovni pregled i ocjenu ponuda zaprimljenih u postupku javne nabavke usluga-Revizorskih usluga. U Zapisniku o ponovljenom pregledu i ocjeni ponuda broj: 0101-8810-8/17 od 04. 06. 2018. godine, utvrđeno je da niti jedan ponuđač nije ispunio uslove za kvalifikaciju, zbog čega niti jedna ponuda zaprimljena u postupku nije prihvatljiva. Komisija za javnu nabavku dala je preporuku rektoru Univerziteta u Sarajevu da u postupku nabavke usluge-Revizorske usluge za 2015, 2016. i 2017. godinu, donese odluku o poništenju postupka, jer su

ispunjeni uslovi utvrđeni članom 69. stav (2) tačka d), odnosno da niti jedna zaprimljena ponuda nije prihvatljiva. Odluka o poništenju postupka broj: 0101-8810-9/17 donesena je 05. 06. 2018. godine, a na istu je ponuđač BDO BH d.o.o. Društvo za reviziju, 71 000 Sarajevo, Dolina 11, izjavio žalbu dana 12. 06. 2018. godine. Ugovorni organ je svoje izjašnjenje broj: 0101-8810-10/17 dostavio 18. 06. 2018. godine. Ured za razmatranje žalbi Filijala Mostar, je dana 12. 07. 2018. godine donio Rješenje broj: JN2-03-07-1-849-9/18, kojim se usvaja žalba ponuđača BDO BH d.o.o. Sarajevo, Dolina 11, a Odluka o poništenju postupka broj: 0101-8810-9/17 od 05. 06. 2017. godine poništava i predmet vraća ugovornom organu na ponovno odlučivanje.

Komisija za javne nabavke Ugovornog organa je, postupajući po naprijed citiranom Rješenju URŽ-a, održala sastanak dana 27. 06. 2018. godine, te je izvršila ponovni pregled i ocjenu zaprimljenih ponuda u predmetnom postupku javne nabavke, o čemu je sačinila Zapisnik broj: 0101-8810-10/17, te predložila rektoru Univerziteta u Sarajevu da u postupku nabavke usluge-Revizorske usluge za 2015, 2016. i 2017. godinu, donese odluku o izboru najpovoljnijeg ponuđača i dodijeli ugovor ponuđaču BDO BH Društvo za reviziju d.o.o, 71 000 Sarajevo, Dolina 11, čija ponuda je, nakon provedenog postupka, u skladu sa kriterijem ekonomski najpovoljnija ponuda, ocijenjena kao najpovoljnija sa ukupnom cijenom ponude od 95.700,00 KM bez PDV-a. U skladu sa navedenim odlučeno je kao u dispozitivu. Iz gore navedenih razloga, primjenom člana 64. stav (1) tačka a) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

REKTOR

Prof. dr. Rifat Škrijelj

Dostaviti:

- RSM Audit BH d.o.o. Milana Preloga 12, 71 000 Sarajevo
- Grant Thornton d.o.o. Vase Pelagića 2, 78 000 Banja Luka
- MERFI d.o.o. Društvo za fin.reviziju, Porodice Ribar 37, 71 000 Sarajevo
- BDO BH d.o.o. Sarajevo Društvo za reviziju, Dolina 11, 71 000 Sarajevo
- Jedinica za internu reviziju UNSA
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

Prilog: Zapisnik o ponovljenom pregledu i ocjeni ponuda

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)